

春秋穀梁傳

冊二

春秋穀梁傳卷六

晉豫章太守順陽范甯集解

明後學東吳葛鼎校訂

莊公

十有九年春王正月

夏四月

秋公子結媵陳人之婦于鄆遂及齊侯宋公盟

又○媵以證反
繩證反

傳媵淺事也不志此其志何也辟要盟也

魯實使公子結

要二國之盟欲自託於大國未審得盟與不故以媵婦為名得盟則盟不則止此行有辭也○要於

反遙何以見其辟要盟也。媵禮之輕者也。盟國之重

也。以輕事遂乎國重無說。以輕遂重無他異說故知辟要盟耳其曰

陳人之婦略之也。但爲遂事假錄媵事耳故略言陳人之婦不處其主名○爲于

反僞其不曰數渝惡之也。○數音朔惡烏路反

夫人姜氏如莒。

傳婦人既嫁不踰竟。踰竟非正也。

冬齊人宋人陳人伐我西鄙。

傳其曰鄙遠之也。其遠何也不以難邇我國也。○難

乃旦反

二十年春王二月夫人姜氏如莒。

夫夫人比年如莒過而不改
無禮尤甚故謹而月之

傳婦人既嫁不踰竟踰竟非正也

夏齊大災

傳其志以甚也

及外災不志甚謂災及外人也

秋七月

冬齊人伐我

二十有一年春王正月

夏五月辛酉鄭伯突卒

秋七月戊戌夫人姜氏薨

傳婦人弗目也

鄭嗣曰弗目謂不目言其地也婦人無外事居有常所故薨不書地

九年得寶玉大弓傳曰弗目此言弗目蓋互辭爾定
謂曰文姜有弑公之逆而弗目其罪弗目其罪

冬十有二月葬鄭厲公

二十有二年春王正月肆大眚

○眚所
景反

傳肆失也眚災也易稱赦過宥罪書稱眚災肆赦

衆故有時而用之**災紀也失故也**災謂罪惡紀治

理之今失之者**爲嫌天子之葬也**文姜罪應誅絕

若不赦除衆惡而書葬者嫌天子許

癸丑葬我小君文姜

傳小君非君也。其不治民其曰君何也。以其爲公配。可

以言小君也。

陳人殺其公子禦寇。

禦寇宣公之子。禦魚呂反。又作御。

傳言公子而不言大夫。公子未命爲大夫也。其曰

公子何也。公子之重視大夫。此視命以執公子。大夫既命

得執公子之禮一本。大夫命以視公子。

夏五月。

以五月首時。甯所未詳。

秋七月丙申。及齊高傒盟于防。

傳不言公高傒伉也。

書曰則公盟也。高傒驕伉與公敵體恥之故不書公。○伉與

苦浪反

冬公如齊納幣。

傳納幣大夫之事也。禮有納采。

采擇女之德性也。其禮用鴈為贄者。

取順陰陽往來。

有問名。

問女名而卜之。知吉凶也。其禮如納采。

有納徵。

徵成也。納

幣以成婚。

有告期。

告迎期。迎魚敬反。

四者備而後娶。禮也。公之

親納幣。非禮也。故譏之。

公母喪未再暮而圖婚。傳無譏文。但譏親納幣者。喪

而罪惡見絕

二十有三年春公至自齊。

祭叔來聘。

祭叔天子寰內諸侯叔名。○
祭側界反寰音縣又音環。

傳其不言使何也。天子之內臣也。不正其外交。故

不與使也。

何休曰。南季宰渠伯糾家父宰周公來聘。皆稱使。獨于此奪之。何也。鄭君釋之。

曰。諸稱使者。是奉王命。其人無自來之意。今祭叔不一心於王。而欲外交。不得王命來。故去使。以見

之。○去起呂反。

夏公如齊觀社。

傳常事曰視。

視朔是也。非常曰觀。觀無事之辭也。言無朝會

之事。○朝直遙反。

以是爲尸女也。

尸主也。主爲女往爾以觀社爲辭。○主爲于僞

反。無事不出竟。

公至自齊。

傳公如陳公往時正也。正謂無危也。皆放此。致月故也。如

往月致月有愆焉爾。

荆人來聘。

傳善累而後進之。其曰人何也。舉道不待再。明聘問之

禮。朝宗之道。非夷狄之所能。故一舉而進之。

公及齊侯遇于穀。

傳及者。內爲志焉爾。遇者。志相得也。

蕭叔朝公。

傳微國之君。未爵命者。其不言來於外也。言於穀朝公也。

朝於廟。正也。於外。非正也。

秋。丹桓宮楹。

柱楹

傳禮。天子諸侯黝垺。黝垺。黑色。○黝。於糾反。又於柳反。垺。烏路反。又烏各反。

大夫倉士黈。黈。黃色。○他苟反。丹楹非禮也。

冬。十有一月。曹伯射姑卒。

○射音亦。本或作亦。

十有二月甲寅。公會齊侯盟于扈。

桓盟不日。此盟日者。前公如齊觀社。傳曰。觀無事之辭。以是爲尸女也。公怠棄國政。此行犯禮。憂危甚矣。霸主降心。親與之盟。實有弘濟之功。而魯得免於罪。臣子所慶。莫重於此。時事所重。文亦宜詳。故特謹日以著之。○扈音戶。

二十有四年春王三月刻桓宮桷。

○桷
音角

傳禮天子之桷。斲之。礲之。加密石焉。○以細石磨之。

諸侯之桷。斲之。礲之。大夫斲之。士斲木刻桷。非正也。夫人所以崇宗廟也。取非禮與非正而加之於

宗廟以飾夫人。非正也。○非禮謂娶離女非正。謂刻桷丹楹也。本非宗廟之宜。

○故曰加言將親迎欲爲夫人飾。又非正也。○迎魚敬反。下皆同。刻桓宮桷。丹桓宮

楹。斥言桓宮以惡莊也。○不言新宮而謂之桓宮。以桓見殺於齊而飾其宗廟。

○以榮離國之女惡莊不子。

葬曹莊公。

夏公如齊逆女。

傳親迎恒事也不志此其志何也不正其親迎於齊也。

秋公至自齊。

傳迎者行見諸舍見諸

諸之也言瞻望夫人先至乘車○乘繩證反

非正也。

八月丁丑夫人姜氏入。

姜哀

傳入者內弗受也日入惡入者也何用不受也以宗廟弗受也其以宗廟弗受何也娶仇人子弟以

薦舍於前。其義不可受也。薦進舍置。

戊寅大夫宗婦覲用幣。

宗婦同宗大夫之婦。

傳覲見也。禮大夫不見。夫人不言。及不正其行。婦

道。故列數之也。男子之贄。羔鴈雉。脰贄所以上大夫用

羔取其從羣。帥而不黨也。下大夫用鴈。取其耿介。交有飛翔。有行列也。士冬用雉。夏用脰。取其耿介。交有

時。別有倫也。脰。腊也。雉。必用死。為婦人之贄。棗栗

鍛修。棗取其早。自矜莊。栗取其敬。反。用幣。非禮

也。用者不宜用者也。大夫國體也。國體謂為君股肱。而行

婦道。惡之。故謹而日之也。惡鳥路反。

大水。

冬戎侵曹。曹羈出奔陳。

赤歸于曹。郭公。

傳赤蓋郭公也。何為名也。禮諸侯無外歸之義。外

歸非正也。

徐乾曰。郭公。郭國之君也。名赤蓋。不能治其國。舍而歸于曹。君為社稷之主。承

宗廟之重。不能安之。而外歸他國。故但書名。以罪而懲之。不直言赤復云。郭公者。恐不知赤者是誰。

將若魯之微者。故也。以郭公著上者。則是諸侯失國之例。是無以見微之義。○郭公羊音號。著張慮

反又張略反。

二十有五年。春。陳侯使女叔來聘。

○女氏。叔字。女音汝。

傳其不名何也。據成三年晉侯使荀庚來聘稱名。天子之命大夫

也。

夏五月癸丑衛侯朔卒。

惠公也。犯逆失德。故不書葬。

六月辛未朔日有食之。鼓用牲于社。

傳言日言朔。食正朔也。鼓禮也用牲。非禮也。天子

救日。置五麾。陳五兵五鼓。麾旌幡也。五兵諸侯置

三麾。陳三鼓三兵。大夫擊門。士擊柝。言充其陽也。

凡有聲皆陽事。以壓陰氣。柝。兩木相擊充實也。○柝吐洛反。

伯姬歸于杞。

傳其不言逆何也。逆之道微。無足道焉爾。

秋大水。鼓用牲于社于門。

門國門也。

傳高下有水災曰大水。既戒鼓而駭衆。用牲可以已矣。救日以鼓兵。救水以鼓衆。

冬公子友如陳。

二十有六年春。公伐戎。

夏。公至自伐戎。

曹殺其大夫。

傳言大夫而不稱名。姓。無命大夫也。無命大夫而

曰大夫賢也。爲曹羈崇也。

徐邈曰：于時微國衰陵，不能及禮。其大夫降班。

失位。下同。於上。故略稱人而傳。謂之無命大夫也。莒慶莒挈邾庶其邾快皆特以事書。非實能貴。故

略名而已。楚雖荆蠻。漸自通於諸夏。故莊二十三年書荆人來聘。文九年又褒而書名。國轉疆大。書

之益詳。然當僖公。文公。之世。楚猶未能自同于列國。故得臣及椒並略名。惟屈完來會。諸侯以同于禮

成之。楚莊王之興。爲江漢盟主。與諸夏之君權行抗禮。其勢疆于當年。而事交於內外。故春秋書之。

遂從中國之例。夫政俗隆替存乎其人。三后之姓日失其序。而諸國夫乘間與之代興。因詳略之文。則

可以見時事之實矣。秦爵伯也。上據西周。班列中夏。故得稱師。有大夫。其大夫當名氏。而文十二年

秦術略名。蓋于時晉主魯盟。而秦方敵晉。則魯之于秦情好疏矣。禮以飾情。情疏則禮略。春秋所以

略文乎。又吳札不書氏。以成尊于上也。宋之盟。叔孫豹不書氏。以著其能恭此皆因事而爲義。○爲

曹反。又僞反。挈反。女

居反。又女加反。女